

**AN BORD AIRGEADAIS OIDEACHAIS (IAR-CHÓNAITHEOIRÍ DE CHUID
FORAS ÁIRITHE LE hAGHAIDH LEANAÍ)**

TUARASCÁIL BHLIANTÚIL 2007

1. Réamhrá

Forálann Alt 32(1) den Acht um Choimisiún chun Drochúsáid Leanaí a Fhiosrú 2005(Leasú) go n-ullmhóidh agus go bhfoilseoidh an Bord Airgeadais Oideachais(Iar-Chónaitheoirí de chuid Foras Áirithe do Leanaí) – anseo agus ina dhiaidh seo tagartha mar ‘An Bord’ - tuarascáil dá ghníomhaíochtaí agus dá imeachtaí a tharla i rith na bliana roimhe sin, gan a bheith níos deireanaí ná 31ú Márta de gach bliain, agus go ndéanfar seo i bhfoirm agus ar bhealach de réir mar a cheapann sé is iomchuí.

2. Bunú an Bhoird

Shínigh an tAire Oideachais agus Eolaíochta, Mary Hanafin, TD, ordú a bhunaigh an Bord Airgeadais Oideachais(Iar-Chónaitheoirí de chuid Foras Áirithe do Leanaí) ar bhonn reachtúil le héifeacht ó 17 Feabhra 2006, de réir mar a fhoráiltear in Alt 23 den Acht um Choimisiún chun Drochúsáid Leanaí a Fhiosrú 2005(Leasú)

Cheap an tAire iad seo a leanas mar bhaill den Bhord ar feadh tréimhe trí bliana ón dáta bunaidh.

- Risteard Langford, Cathaoirleach
- Pádraig Breathnach, Cathaoirleach Ionaid
- Inez Báille
- Seán Ó Braonáin
- Cristín Uí Bhuachalla
- Jacqui Uí Chaomhánaigh
- Brian Ó Maonaigh
- Mícheál Ó Briain
- Jacinta Stíobhard

*Ar 19ú Feabhra 2008, tháinig Brian Ó Maonaigh mar chomharba ar Phádraig Breathnach mar Chathaoirleach Ionaid.

Bhí deich gcruinniú ag an mBord i rith 2007. Chomh maith leis seo tháinig foghrúpaí de bhaill an Bhoird le chéile idir chruinnithe an Bhoird ar seacht n-ócáid eile d'fhonn déileáil le ceadú iarratais deontas chun go bhféadfaí íocaíocht deontas mar iad seo a bhrostú.

Tá tuairiscí de chruinnithe uile an Bhoird ó dháta a bhunaithe ar fáil ar Láithreán Gréasáin an Bhoird www.educationfinanceboard.com d'fhonn gur féidir leis na príomh-pháirtithe leasmhara chomh maith le páirtithe leasmhara eile a bheith tugtha suas chun dáta ar bhun rialta ar ghníomhaíochtaí an Bhoird.

3. Feidhmeanna an Bhoird

Is iad seo príomh-feidhmeanna an Bhoird mar atá leagtha síos in Acht na bliana 2005:

- deontais a íoc d'iar-chónaitheoirí in institiúidí agus dá ngaolta d'fhonn cuidiú le hiar-chónaitheoirí nó gaolta leas a bhaint as seirbhísí oideachasúla de réir mar a shocródh an Bord
- Critéir a shocrú agus a fhoilsiú a bheidh mar thragairt ag an mBord maidir le cinní a dhéanamh faoi iarratais chuig an Bhord i dtaca lena leithéidí seo de dheontais a íoc.
- eolas a chur ar fáil d'iar-chónaitheoirí agus dá ngaolta i dtaca le seirbhísí oideachasúla a bhfuil a leithéidí seo de dheontais iníoctha dóibh .

4. Critéir d'Íocaíocht Deontas

Sular bunaíodh an Bord, íocadh deontais d'iarratasóirí incháilithe faoi scéim riaracháin a oibríodh faoi choimirce an Aire Oideachais agus Eolaíochta. Shocraigh coiste ad hoc na critéir a leagadh amach d'fhonn an scéim riaracháin a oibriú, critéir a bhí mar thagairt i dtaca le cinní faoi iarratais deontas den chineál seo a íoc. € 2, 484, 992 an t-iomlán a tarraingíodh anuas ón gciste faoin scéim riaracháin.

Mar nár mhaith leis a bheith ag cur isteach ar an móiminteam a gineadh faoin scéim riaracháin, shocraigh an Bord, nuair a bunaíodh é, leanacht ar bhonn eatramhach leis na critéir a d'úsáid an coiste ad hoc, a réamhtheachtaí, go dtí go socrófaí critéir athchóirithe, faoi réir leasú beag amháin a rinne sé d'fhonn aird a dhíriú ar shonra na reachaíochta.

Tugadh faoi athbhreithniú na gcritéir a bhí ann roimhe sin agus na gcritéir eatramhach ar bhealach mion le féachaint chuige go socrófaí critéir athchóirithe a thógfadh ar thaithí an choiste ad hoc go dáta agus ar thaithí an Bhoird féin. Mar thoradh ar an athbhreithniú seo, shocraigh an Bord critéir athchóirithe, atá foilsithe aige, d'fheidhmiú i gcás na n-iarratas do dheontais a glacadh ar 17ú Samhain 2006 nó ina dhiaidh sin. Tá socrúithe i bhfearas d'fhonn go mbeadh na critéir faoi réir athbhreithnithe ó am am go chéile. Tá leasaithe breise áirithe cinnithe ag an mBord, leasaithe atá i bhfeidhm ó 1ú Meán Fómhair 2007.

Tá sé i gceist go ndéanfar na critéir a athbhreithniú arís i rith 2008 d'fhonn patrúin a bheadh ag teacht chun cinn i dtaca le hiarratais deontas agus caiteachas a léiriú.

5. Airgeadas

Tá na cistí atá ar fáil do chaiteachas an Bhoird d'fhonn a chuid feidhmeanna a chur i gcrích céannaithe in Alt 26 d'Acht 2005. Tá na cistí seo ann de dhroim Ranníocaíocht de € 12,700,000 ó na Cuallachtaí Reiligiúnacha faoi théarmaí an Ghníomhais de 05 Meitheamh 2002 agus tá na cistí méadaithe de bharr úis tuillte ar suimeanna nach bhfuil caite agus ní mór suimeanna ar bith a bheadh íoctha ag an Aire Oideachais agus Eolaíochta roimh achtú an Achta 2005 a dhealú uaidh seo, suimeanna a bheadh mar dheontais d'Iar-chónaitheoirí i bhForais agus dá ngaolta d'fhonn cabhrú leis na hIar-chónaitheoirí seo nó lena ngaolta leas a bhaint as na as na seirbhísí oideachais.

Folárann Alt 26(2) go mbunóidh an Ghníomhaireacht Bainistíochta an Chisteáin Náisiúnta cuntas infheistíochta ina gcuirfear an méid atá íoctha di faoi Alt 26(1) i dtaisce. Tá stair an chuntais sin go 31ú Nollaig 2007 sonraithe in Agusín B atá leis seo agus taispeánann sé comhardú de € 8,645,315 ar an dáta sin.

Tar éis an chaiteachais go 31ú Nollaig 2007 a chur san áireamh, € 8,890,194 na cistí uile a bhí ar fáil don Bhord ar an dáta sin, comhdhéanta mar a leanas:

Comhardú an Chuntais Infheistíochta	€ 8,645,315
Cistí coinnithe ag Coiste Gairmoideachais Chathair Bhaile Átha Cliath ar 31ú Nollaig 2007	€ 350,759
Comhardú nár Caitheadh ón scéim ad hoc a tarraingíodh anuas	€ <u>13,010</u>
	€ 9,009,084
Lúide dliteanais fhabhráithe	€ <u>118,890</u>
	€ <u>8,890,194</u>

6. Cuntais agus Iniúchóireacht

Forálann Alt 31 den Acht 2005 d'aighniú cuntas, coinnithe de bhun an Ailt seo, don Ard-Reachtair Cuntas agus Ciste d'iniúchóireacht, gan a bheith níos deireanaí ná trí mhí ó dheireadh na tréimhse cuntasóireachta lena mbaineann siad.

Tá iniúchóireacht déanta ag an Ard-Reachtair Cuntas agus Ciste ar na cuntais don tréimhse ó bhunú an Bhoird ar 17ú Feabhra 2006 go 31ú Nollaig 2006 agus tá siad seo curtha faoi bhráid an Aire ag an mBord. Tá na cuntais seo foilsithe ag an mBord agus tá siad ar fáil ar láithreán gréasáin an Bhoird.

Tá na cuntais don bhliain dar chríoch 31 Nollaig 2007 ullmhaithe agus curtha faoi bhráid an Ard-Reachtair Cuntas agus Ciste d'iniúcháireacht. Díreach tar éis an iniúcháireachta, cuirfidh an Bord cóip de na cuntais sin, de réir mar a threoraíonn an Aire, faoi bhráid an Aire chomh maith le tuairisc an Ard-Reachtair Cuntas agus Ciste agus ina dhiaidh sin foilseofar iad agus cuirfear ar fáil ar láithreán gréasáin an Bhoird iad.

7. Faomhadh Deontas

I rith 2007 d'fhaomh an Bord deontais i leith 1200 iarratas. 892 iarratas an figiúir comhfhreagrach do 2006. € 1,151,500 luach foriomlán a leithéidí seo de dheontais.

Is mar seo a leanas a dáileadh an 1200 iarratas faofa:

	2007	2006
Iar-chónaitheoirí	311 (25.9%)	236 (26.5%)
Leanaí	761 (63.4%)	598 (67.0%)
Céilí	48 (4.0%)	56 (6.3%)
Duine Garchlainne(Ua)	76 (6.3%)	01 (0.01%)
Leasleanbh	04 (0.3%)	00 (0.0%)
Grúpa	00 (0.0%)	01 (0.0%)

Is iad seo a leanas na láithreacha faoi láthair don 1200 iarratas faofa

Éire	804 (67.0%)	646 (72.4%)
Ríocht Aontaithe	349 (29.1%)	202 (22.7%)

Eile 47(3.9%) 44(4.9%)

2006 Eile (An Astráil 14; Na Stáit Aontaithe 21; An tSualainn 3; An Fhrainc 3; An Spáinn 1; Ceanada 1; An Phortaingéil 1)

2007 Eile (An Astráil 16; Na Stáit Aontaithe 20; An tSualainn 6; An Spáinn 1; Ceanada 1; An Ghearmáin 3)

Níor bronnadh deontais i gcás 65 iarratas nár shásaigh na critéir a bhí cinnithe ag an mBord.

Léiríonn an 1200 deontas a faomhadh i rith 2007 méadú de 35% ar an 892 deontas a faomhadh sa bhliain 2006 i dtaca le hiarratais ghlactha agus próiseáilte idir Deireadh Fómhair 2005 agus Nollaigh 2006. Cé gur fáiltíodh roimhe seo go mór, tá an Bord dóchasach leibhéal iarratas níos aoirde fós a ghiniúint i rith 2008 agus leis seo ar aigne tá machnamh déanta ar fheachtas eolais chuimsithigh a chur i bhfearas d'fhonn níos mó poiblíochta a thabhairt do na deontais atá ar fáil d'iar-chónaitheoirí agus dá ngaolta incháilithe. Cé go bhfuil cuid de na céimeanna tosaigh tógtha i dtaca leis seo tá sé i gceist na gnéithe eile den fheachtas a chur sa siúl roimh an scoilbhliain 2008/09. Lorgóidh an Bord cabhair anseo ó ghrúpaí tacaíochta d'iar-chónaitheoirí agus ó sheirbhísí for-rochtana sa Ríocht Aontaithe.

8. Soláthar Foirne

Rúnaí/Bainisteoir agus cúntóir riaracháin ab ea croílár an tsoláthair foirne tosaigh le soláthar foirne eile á cheapadh de réir mar a theastódh agus ar bhun sealadach d'fhonn déileáil le próiseasáil iarratas faoi mar a bheadh gá leo.

Toisc gurb iad na cistí sa chuntas infheistíochta na cistí amháin atá ar fáil don Bhord i gcomhlíonadh a fheidhmeanna, cistí a bunaíodh faoi fhorálacha Ailt 26(3) d'Acht 2005, b'úsáid na gcistí seo don mhéad ba mhó a d'fhéadfaí in íocaíocht deontas d'iar-chónaitheoirí agus dá ngaolta an chloch ba mhó a bhí ar phaidrín an Bhoird. Cé go raibh an Bord cúramach an caiteachas do chuspóirí eile a laghdú choinnigh sé uimhreacha i dtaca le soláthar foirne faoi athbhreithniú agus cheap sé an dara cúntóir riaracháin i Feabhra 2008 lena chinntiú go raibh na leibhéil foirne oiriúnach d'fhonn leibhéal seirbhísí cuí a choinneáil dá bhonn-chliantacht. Ba chóir go gcabhródh sé seo deireadh a chur le riaráiste ar bith i dtaca le hiarratais a phróiseáil agus ba chóir go gciallóidh sé freagairt éifeachtach do mhéadú ar bith sa leibhéal iarratas do dheontais a tharlódh de bharr an fheachtais phoiblíochta atá beartaithe.

Leanann Coiste Gairmoideachais Chathair Bhaile Átha Cliath ar aghaidh le seirbhís íocaíochtaí a a sholáthar agus tá an Bord buíoch don Chathaoirleach, do bhaill an Choiste agus don Phríomhoifigeach Feidhmiúcháin dá gcabhair. Is mór ag an mBord an chabhair a fuarthas i rith a bhunaithe agus an chabhair a iarradh ina dhiaidh sin ó fhoirne na nAonad um Sheirbhísí Sásaimh agus Dlíthiúla de chuid na bhForas Cónaithe agus ó Rannóg Phearsanra na Roinne Oideachais agus Eolaíochta agus ó Chuntasóir Gairmiúil na Roinne.

9. Sonraí Teagmhála

Fuarthas cóiríocht oifige le cabhair na Roinne Oideachais agus Eolaíochta d'fhoireann an Bhoird ar an 3ú Urlár, Cúirt Fheidric, 24/27 Sráid Fheidric Thuaidh, Baile Átha Cliath 1.

Seo iad na socruithe teagmhála:

Gutháin: 00353(1)8745708 Íosghlao (Éire) 1890 742 742

Facs: 00353(1) 8745709

r-phost: info@educationfinanceboard.com

Laithreán Gréasáin: www.educationfinanceboard.com

Cé nach bhfuil an áis Íosghlao ar fáil ach do ghlaiteoirí laistigh d'Éirinn, glaofaidh an fhoireann ar ais ar chliantáí a dhéanann glaoch gutháin ó lasmuigh d'Éirinn.

Aguisín A

**An Bord Airgeadais Oideachais (Iar-Chónaitheoirí de chuid Foras Áirithe le haghaidh
Leanaí)**

CRITÉIR DO DHEONTAIS A DHEONÚ

Meán Fómhair 2007

An Bord Airgeadais Oideachais (Iar-chónaitheoirí do chuid Forais Áirithe le haghaidh Leanaí)

Faoi théarmaí an Chomhaontaithe Slánaíochta idir an Stát Éireannaigh agus 18 Chomhthionól Reiligiúnach, dátaithe 5ú Meitheamh 2002, tá ciste de €12.7 milliún le bheith curtha in úsáid d'iar-chónaitheoirí agus dá ngaolta chun iad a éascú nuair a bhíonn cláracha oideachais á rochtain acu.

Ar 17 Feabhra 2006, bhunaigh an tAire Oideachais agus Eolaíochta, Mary Hanafin TD, foras reachtúil - An Bord Airgeadais Oideachais, fán Acht (Leasú) um Choimisiún chun Drochúsáid Leanaí a Fhiosrú, 2005 - chun an ciste a riaradh. Thóg an Bord Airgeadais Oideachais áit an Choiste Ad Hoc a bhainistigh an ciste go dtí go raibh an reachtaíocht i bhfeidhm.

Seo a leanas iad feidhmeanna an Bhoird:

- na critéir d'íocaíocht deontas mar iad seo a shocrú agus a fhoilsiú
- deontais a íoc d'iar-chónaitheoirí foras agus dá ngaolta d'fhonn cuidiú leo leas a bhaint as seirbhísí oideachasúla
- eolas a chur ar fáil i dtaca le seirbhísí oideachasúla a bhfuil deontais iníoctha lena n-aghaidh

Leagann an leabhrán seo amach critéir an Bhoird i dtaca le deontais a dheonú. Is féidir go mbeadh athchóiriú ar na critéir ó am go chéile agus agus déanfaidh an Bord iad a athbhreithniú ag tráth nach bhfuil níos déanaí ná Meán Fómhair 2008.

Láimhseálfaidh foireann lánaimseartha an Bhoird iarratais do dheontais ó iar-chónaitheoirí agus a ngaolta. Fáiltíonn an bord na ceisteanna agus na hiarratais uile. Má bhíonn ceisteanna ar bith agat nó más mian leat iarratas do dheontas a dhéanamh, úsáid an fhaisnéis teagmhála sa leabhrán seo, le do thoil, chun labhairt le ball foirne.

Critéir faoina ndéanann an Bord iarratais do mhaoiniú a cheadú

1. Réamhrá

Tá sé ar intinn ag an mBord go gcabhróidh na deontais, atá le n-íoc ó chistí atá ar fáil faoi Alt 26 d'Acht 2005, le hiarratasóirí d'fhonn úsáid a bhaint as na seirbhísí oideachasúla atá socraithe ag an mBord. Beidh aire ar leith ag an mBord ar riachtanais iar-chónaitheoirí chomh maith le héinne dá ngaolta a bhfuil bearnaí inaitheanta ina gcuid oideachais, a tharla de bharr cónaithe i gceann amháin de na forais sonraithe.

2. Cé a chuirfeadh isteach ar dheontais

Tá na deontais oscailte d'iar-chónaitheoirí uile na bhforas atá liostáilte san Acht um Shásamh i leith Foras Cónaithe, 2002 agus a gcéilí, a mic, a n-iníonacha, a ngarmhic, a ngariníonacha, a leasmhic agus a leasiníonach(gaolta).

3. Cruthúnas Cónaitheachta

Ní thugann na dlíthe ábhartha sainmhíniú ar an téarma “cónaitheoir” ach is ag maireachtáil agus ag codladh i in áit ar feadh tamaill áirithe a chiallaíonn sé de ghnáth. Go ginearálta déanfaidh an Bord cinneadh faoi an féidir féachaint ar an fhoras a bheadh i gceist mar bhaile an iarratasóra ag an am.

Caithfidh éinne a dhéanann iarratas fianaise scríofa shásúil agus fianaise chuí eile faoi ionannas a chur ar fáil chomh maith le deimhniú cónaithe i bhforas. Ní mór do ghaolta fianaise scríofa a chur ar fáil freisin faoina ngaol le hiar-chónaitheoir. Tá an fhianaise a bhíonn ag teastáil rianaithe ar an fhoirm iarratais.

4. Cúrsaí agus cláracha faofa

Tairgeann an Bord maoiniú do dhaoine incháilithe do réimse cúrsaí atá faofa

Cúrsaí iar-scoile, cúrsaí fochéimí agus iarchéimí

Ba chóir do chúrsaí atá faofa:

- leanúint ar feadh tréimhse bliana acadúla amháin ar a laghad, agus
- mar bharrshamhail, a bheith curtha ar fáil ag institiúid le maoiniú poiblí

Muna bhfuil cúrsa oiriúnach ar fáil in institiúid le maoiniú poiblí, is féidir leis an mBord iarratais a bhreithniú do chúrsaí oiriúnacha a bheadh tairgthe ag forais phríobháideacha.

Ní mór do chúrsaí atá ceadaithe a bheith dírithe ar cháilíochtaí atá aitheanta ag creat stát-cheadaithe, bíodh sé in Éirinn nó i dtír eile.

In Éirinn, ní mór do na cáilíochtaí a bheith curtha ag leibhéal 3 nó níos airde sa Chreat Náisiúnta Cáilíochtaí.

Tá socrú ann chun cáilíochtaí na hÉireann agus na Ríochta Aontaithe a ailíniú. Cuirfidh sé seo eolas ar fáil do chinntí a bheadh le déanamh i dtaca le haitheantas cuí do cháilíochtaí ó chúrsaí na Ríochta Aontaithe.

Déanfaidh an Bord breithniú ar bhonn aonraic faoi chúrsaí nach bhfuil clúdaithe faoin socrú seo d'fhonn cinneadh a dhéanamh faoinar féidir aitheantas cuí a thabhairt do na cáilíochtaí a bheadh i gceist.

Is féidir go mbeadh na nithe seo san áireamh i dtaca le cúrsaí eile a cheadú:

Cúrsaí Forbartha Pearsanta agus cúrsaí Stíle Maireachtála

Ní mór do chúrsaí a bheith ar fáil ag soláthróir aitheanta nó ag oiliúnóir creidiúnaithe d'fhoras aitheanta náisiúnta.

Ceachtanna Tiomána(suas go deich n-uaire)

Chun iarratas a dhéanamh do mhaoiniú do suas go 10 n-uaire ceachtanna tiomána, ní mór do na hiarratasóirí go léir cóip dhleathach fhíoraithe de cheadúnas tiomána sealadaí bailí a chur san áireamh lena bhfoirmeacha iarratais nó an bunleagan de cheadúnas tiomána sealadaí bailí a bheith acu lena bhfoirmeacha iarratais. Is féidir go mbeadh iar-chónaitheoir a chríochnaíonn an 10 n-uaire tosaigh faofa do suas go 10 n-uaire eile má chuireann sé/sí litir mholta óna dteagascóir tiomána ar fáil ag rá cé mhéad uaireanta teagaisc a bheadh uathu chun pas a fháil sa tástáil tiomána.

Litearthacht agus Teagasc Duine - le - Duine

Déanfaidh an Bord cinneadh faoi na cúrsaí seo de réir riachtanas gach iarratasóra agus beidh tuairiscí rialta ag teastáil ón teagascóir chun cinneadh a dhéanamh faoi an mbeadh gá le teagasc duine-le-duine breise.

Cláracha Tacaíochta Bunscoile, Iar-bhunscoile

Teagasc Breise(de ghnáth uair sa tseachtain do gach páiste)

Clúdaíonn sé seo teagasc breise, le múinteoirí cáilithe, do dhaltá a bhíonn ag dul ar scoil má cheadaíonn an scoil é. Ní mór don iarratasóir cáipéisí cuí a sholáthar, i.e., cóip de cháilíochtaí an mhúinteora ábhartha; uimhir *PSP an mhúinteora(*Uimhir IÁS nó Uimhir Árachais Náisiúnta sa Ríocht Aontaithe) agus an costas do gach seisiún.

(* Uimhir Phearsanta Seirbhíse Poiblí - PSP / *Uimhir Ioncaim agus Árachais Shóisialaigh - IÁS)

Gníomhaíochtaí Iar-scoile

D'fhéadfadh gníomhaíochtaí mar cheachtanna ceoil, snámh agus mar sin a bheith san áireamh. De ghnáth ní dhéanfaidh an Bord maoiniú ach ar ghníomhaíocht amháin in aghaidh na bliana do gach iarratasóir.

Costais Cúrsaí

Ní mór cláracha foirmeálta oideachais a bheith i gceist agus a bheith ar fáil sa tír ina chónaíonn an t-iarratasóir de ghnáth. Samplaí iad turais Ghaeltachta agus cúrsaí teanga samhraidh eile. De ghnáth ní dhéanfaidh an Bord maoiniú ach ar chúrsa amháin díobh seo in aghaidh na bliana do gach iarratasóir. Is féidir go ndéanfaidh an Bord cinneadh, faoin teideal seo, i dtaca le costais rannpháirtíochta na hIdirbhliana.

5. Deontais

Is féidir go n-íocfaí deontais d'iar-chónaitheoirí agus/nó dá ngaolta faoi dhá cheannteideal mar atá rianaithe thíos:

Táillí Teagaisc agus Táillí Gaolmhara

Ranníocaíocht i leith costais táillí teagaisc is ea na deontais seo agus/nó i leith táillí gaolmhara i dtaca le seirbhís do dhaltaí - clárú, táillí scrúduithe nó táillí comhlachais ghairmiúil agus a leithéidí.

Cúnamh Oideachais

Cuidíonn na deontais seo le hiarratasóirí leanacht lena rannpháirtíocht i gcúrsaí ceadaithe iar-scoile agus i gcúrsaí ceadaithe fochéimí agus iarchéimí.

Pointí le tabhairt faoi Deara:

- **Bíonn íocaíocht na ndeontas uile faoi réir na gcistí a bhíonn ar fáil don Bhord**
- **Ní féidir leis an mBord ach deontais a íoc leis na hiarratasóirí a théann de réir na gcritéar go léir a bhaineann leis an scéim deontais.**
- **Ní thabharfaidh an Bord tacaíocht ach do chúrsa amháin ag leibhéal sonrath. Mar shampla, má fhaigheann tú deontas i leith na dtáillí nó i leith na dtáillí gaolmhara i gcás bunchéime ní féidir leat iarratas a dhéanamh ina dhiaidh sin do mhaoiniú don dara bunchéim**
- **Ní íocfaidh an Bord deontais ach don bhliain staidéir reatha. Ní bheidh iarratais maidir le cúrsaí nó maidir le modúil i gcúrsaí a críochnaíodh i mbliain acadúil roimhe sin incháilithe do dheontais ná do chabhair.**
- **Tá teorainneacha leis an méid is féidir leis an mBord a íoc le iar-chónaitheoirí agus/nó a ngaolta. Seo a leanas mar atá na híocaíochtaí:**
 - €12,500 an méid iomlán d'iar-chónaitheoir
 - € 12,500 an méid iomlán do ghaolta uile iar-chónaitheora
 - € 4,000 do ghaol aonair iar-chónaitheora.

Clúdaíonn na suimeanna seo deontais i leith táillí, deontais i leith táillí gaolmhara mac léinn agus cabhair oideachasúil agus cuimsíonn siad deontais ar bith a bheadh bronnta cheana féin ar an iarratasóir céanna/ar na hiarratasóirí céanna faoi Chritéir Eatramhacha an Bhoird Oideachais Airgeadais.

6. Sceideal Deontas i leith táillí teagaisc, i leith táillí gaolmhara agus i leith cúnamh oideachasúil

Tá an t-uasmhéid gur féidir le hiar-chónaitheoirí agus/nó a ngaolta a fháil do chúrsaí oiriúnacha faoin scéim seo rianaithe thíos. Tá an t-uasmhéid faoi réir na dteorainneacha foriomlána atá sonraithe faoi ‘Pointí le tabhairt faoi Deara’ ar leathanach 3. Baineann an t-uasmhéid leis an ‘glanlucht’ do chúrsa.

Séard atá sa táille seo ná an méid nach mór don iarratasóir féin a íoc go pearsanta don chúrsa tar éis deontais eile a fháil. Ní costas iomlán an chúrsa atá ann.

Táillí do chúrsaí iar-scoile agus do chúrsaí fochéimí atá faofa

Iar-chónaitheoirí

Uasmhéid de €5,000 in aghaidh na bliana i leith an ghlanluchta.

Gaolta

- Uasmhéid de € 1000 sa bhliain nuair is €2,000 nó níos lú an glanlucht gach bliain.
- Leath den ghlanlucht, suas go huasmhéid de € 1, 500 sa bhliain, nuair a bhíonn an glanlucht níos mó ná €2,000 sa bhliain.

Táillí do chúrsaí iarchéimí ceadadaithe

Iar-chónaitheoirí

Uasmhéid de €5,000 i leith an ghlanluchta do ghnáth-thréimhse an chúrsa

Gaolta

- Uasmhéid de €1000 sa bhliain nuair a bhíonn an glanlucht €2,000 nó níos lú gach bliain.
- Leath an ghlanluchta, suas go huasmhéid de €4,000, nuair a bhíonn an glanlucht níos mó ná €2,000 do ghnáth-thréimhse an chúrsa

Cúnamh Oideachasúil

Staidéar lánaimseartha: dhá íocaíocht de €700 sa bhliain(€1,400 san iomlán)

Staidéar páirtaimseartha: dhá íocaíocht de €250 sa bhliain(€500 san iomlán)

Ní mór d’iarratasóirí fianaise scríofa a chur ar fáil go bhfuil siad páirteach sa chúrsa go dtí sin chun a dara híocaíocht den bhliain a fháil.

Deontais do chúrsaí ceadaithe eile

Cúrsaí faoi fhorbairt phearsanta agus stíl mhaireachtála

Uasmhéid de € 1, 000 do gach iarratasóir gach bliain

Ceachtanna Tiomána

Gluaisteán – uasmhéid de €30 do cheacht agus táille tástála

Trucail nó Mionbhus – uasmhéid de €600 agus táille tástála

Cóiste – uasmhéid de €900 agus táille tástála

Teagascóir Tiomána – uasmhéid de €1,400 in Éirinn agus ranníocaíocht
chuí do chúrsa mar é thar saíle.

Teagasc breise, cláracha iar-scoile agus cúrsaí samhraidh

Tá buiséad de €75,000 atá molta curtha ar leataobh ag an mBord do 2007/2008

Teagasc Breise agus cláracha iar-scoile – uasmhéid de €25 san uair agus
€800 sa bhliain.

Costais Cúrsaí – uasmhéid de €800 sa bhliain

7. Cásanna Speisialta

Má chreideann an Bord go bhfuil cúinsí speisialta i gceist go háirithe i gcás iar-chónaitheora tá discríd ag an mBord na Critéir a athrú.

8. Athbhreithniú ar Chinntí

Muna bhfuil iarratasóir sásta le cinneadh maidir lena iarratas/lena hiarratas is féidir leis/léi iarraidh ar an mBord é a athbhreithniú.

Má bhíonn an t-iarratasóir míshásta le hathbhreithniú an Bhoird is féidir leis/léi an t-ábhar a atreorú chuig Fear an Phobail(Ombudsman).

9. Dáta Éifeachtach

Tá éifeacht leis na rialacha ó 1ú Meán Fómhair 2007 agus tógfaidh siad áit na gCritéar uile eile.

Má bhíonn maoiniú ceadaithe do chúrsaí a mhaireann uimhir áirithe de bhlianta faoi Chritéir na Scéime Riaracháin Réamh-bhunúcháin nó faoi na Critéir Eatramhacha is féidir leis an mBord cinneadh a dhéanamh na leibhéil uasmhéid deontais a athrú mar atá sonraithe i gCodanna 5 agus a 6 d'fhonn a chur san áireamh céard a mheasann an Bord a bheadh i gceist le hionchais réasúnacha iarratasóra.

Tá na Critéir seo faoi réir athbhreithnithe agus is féidir iad a athrú gan fógra.

Aguisín B

An Bord Airgeadais Oideachais (Iar-Chónaitheoirí de chuid Foras Áirithe le haghaidh Leanaí)

**CUNTAS INFHEISTÍOCHTA NA GHNÍOMHAIREACHTA BAINISTÍOCHTA
AN CHISTEÁIN NÁISIÚNTA**

An Bord Airgeadais Oideachais (Iar-Chónaitheoirí de chuid Foras Áirithe le haghaidh Leanáí)

CUNTAS INFHEISTÍOCHTA NA GHNÍOMHAIREACHTA BAINISTÍOCHTA AN CHISTEÁIN NÁISIÚNTA

Forálann Alt 26(2) go mbunódh an Ghníomhaireacht Bainistíochta an Chisteáin Náisiúnta cuntas infheistíochta ina gcuirfí an méid a íocadh faoi Alt 26(1) i dtaisce

Is mar seo a leanas atá stair an chuntais sin go 31ú Nollaig 2007:

Ranníocaíocht na gCualachtaí Reiligiúnacha faoi théarmaí an Ghníomhais de 05 Meitheamh 2002	€ 12,700,000
Ús Fabhráithe(an dara suim ábhartha – Alt 26 (7) den Acht)	€ 240, 000
An tsuim a tharla trí fhuilleamh(an tríú suim ábhartha – Alt 26 (7) den Acht	€ <u>510,000</u>
	€ 13,450,000
<hr/>	
Tarraingt anuas do chaiteachas a tabhaíodh faoin scéim ad hoc a riaradh faoi choimirce an Roinne Oideachais agus Eolaíochta ón mbliain 2003 sular bunaíodh an Bord ar an 17ú Feabhra 2006	€ <u>2,498,002</u>
Aistriú chuig GBCN(NTMA) (Lúnasa agus Nollaig 2005)	€ 10, 951,998
Ús Fabhráithe ó Lúnasa 2005 go dtí 31ú Nollaig 2007	€ <u>753,317</u>
	€ 11,705,315
Tarraingt anuas ag an mBord ó 17ú Feabhra 2006 go 31ú Nollaig 2007	€ <u>3,060,000</u>
Iarmhéid i gCuntas GBCN(NTMA) ar 31ú Nollaig 2007	€ <u>8, 645, 315</u>